



Općinski načelnik

Na osnovu/temelju člana/članka 38. Statuta Općine Busovača - prečišćen tekst ("Službeni glasnik Općine Busovača", broj: 8/13), Općinski načelnik, d o n o s i

PRAVILNIK O OSTVARIVANJU PRAVA NA STIPENDIJU ZA AKADEMSKU 2025./26. GODINU

Član/Članak 1. (Predmet)

Ovim Pravilnikom utvrđuju se uslovi/uvjeti i postupak dodjele stipendija redovnim/redovitim studentima sa područja općine Busovača koji studiraju na jednom od univerziteta u Bosni i Hercegovini ili izvan Bosne i Hercegovine.

Član/Članak 2. (Raspisivanje konkursa/natječaja)

Konkurs/Natječaj za dodjelu stipendija raspisuje se početkom kalendarske godine za tekuću akademsku godinu.

Konkurs/Natječaj za dodjelu stipendije objavljuje se na oglasnoj ploči i na web stranici Općine Busovača.

Konkurs/Natječaj ostaje otvoren 15 dana od dana objave na oglasnoj ploči Općine.

Član/Članak 3. (Sadržaj konkursa/natječaja)

Konkursom/Natječajem za dodjelu stipendija propisuje se:

- a) ko/tko ima pravo prijave na konkurs/natječaj;
- b) prijave koje se ne razmatraju;
- c) dokumentacija koja se prilaže uz prijavu na konkurs/natječaj;
- d) rok za prijavu na konkurs/natječaj i organ kojem se prijava podnosi.

Član/Članak 4. (Pravo prijave na konkurs/natječaj)

Pravo prijave na konkurs/natječaj ima lice/osoba koje ima prijavljeno prebivalište na području općine Busovača i status redovnog/redovitog studenta na integriranom studiju I, II, III, IV, V ili VI godine, status redovnog/redovitog studenta prvog ciklusa studija I, II, III, odnosno IV godine studija ili status redovnog/redovitog studenta I, odnosno II godine drugog ciklusa studija.

Član/Članak 5.
(Prijave koje se ne razmatraju)

Neće biti uzete u razmatranje prijave:

- a) studenta koji nema prijavljeno prebivalište na području općine Busovača,
- b) studenta koji je u tekućoj studijskoj godini na istom ili drugom fakultetu ponovo upisao istu godinu studija,
- c) studenta apsolventa,
- d) studenta smještenog u studentskom domu u Bosni i Hercegovini,
- e) studenta koji prima drugu stipendiju iz sredstava javnih budžeta/proračuna institucija Federacije BiH (Federacija, Kanton, Općina),
- f) vanrednog/izvanrednog studenta,
- g) studenta koji na dan objave konkursa/natječaja navršava 26. godina života i
- h) studenta koji je upisao treći ciklus studija.

Član/Članak 6.
(Eliminacija iz postupka dodjele stipendija)

U slučaju sumnje u vjerodostojnost priložene dokumentacije, Komisija/Povjerenstvo može izvršiti dodatnu provjeru iste, po službenoj dužnosti.

Ako se u postupku dodjele stipendija utvrdi da je student dao netačne/netočne podatke ili dokumente, eliminisat/eliminirat će ga se iz daljnjeg postupka dodjele stipendija.

Član/Članak 7.
(Kriteriji bodovanja)

Lista studenata za dodjelu stipendije utvrđuje se na osnovu/temelju ostvarenog broja bodova prema sljedećim kriterijima:

- a) socijalno stanje;
- b) godina studija i
- c) ekonomska situacija – prihod.

Član/Članak 8.
(Bodovi na osnovu/temelju socijalnog stanja)

Socijalno stanje kao kriterij, odnosi se na broj članova porodice/obitelji, tako što se bodovanje, s obzirom na broj izdržavanih članova, vrši na sljedeći način:

- a) porodica/obitelj sa jednim izdržavanim članom boduje se sa 1 bod,
- b) porodica/obitelj sa dva izdržavana člana boduje se sa 2 boda i
- c) porodica/obitelj sa tri ili više izdržavanih članova boduje se sa 4 boda.

Član/Članak 9.
(Bodovi na osnovu/temelju godine studija)

- (1) Na osnovu/temelju redovnog/redovitog studiranja na integriranom studiju, podnosiocu prijave (studentu) za dodjelu stipendije dodjeljuje se broj bodova kako slijedi:
 - I. godina studija 1 bod
 - II. godina studija 2 boda

- III. godina studija 3 boda
 - IV. godina studija 4 boda
 - V. i VI. godina studija 6 bodova
- (2) Na osnovu/temelju redovnog/redovitog studiranja po programu studija 4+1, podnosiocu prijave (studentu) za dodjelu stipendije dodjeljuje se broj bodova kako slijedi:
- I. godina studija 1 bod
 - II. godina studija 2 boda
 - III. godina studija 3 boda
 - IV. godina studija 4 boda
- Za dugi ciklus:
- I. godina studija 6 bodova
- (3) Na osnovu/temelju redovnog/redovitog studiranja po programu studija 3+2, podnosiocu prijave (studentu) za dodjelu stipendije dodjeljuje se broj bodova kako slijedi:
- I. godina studija 1 bod
 - II. godina studija 2 boda
 - III. godina studija 3 boda
- Za drugi ciklus:
- I. godina studija 4 boda
 - II. godina studija 6 bodova

Član/Članak 10. (Prihod)

- (1) Prihod, u smislu ovog Pravilnika, čini prihod koji članovi domaćinstva/kućanstva ostvare na osnovu/temelju:
- a) plate/plaće,
 - b) starosne, invalidske, porodične/obiteljske i inostrane/inozemne penzije/mirovine,
 - c) boračko/braniteljsko-invalidske zaštite/skrbi (lične/osobne i porodične/obiteljske invalidnine, mjesečnog novčanog dodatka za nosioce ratnog odlikovanja i novčane egzistencijalne naknade) i
 - d) zakupa, dodatne djelatnosti, naknada i sl.
- (2) roditelji studenta smatraju se članovima zajedničkog domaćinstva/kućanstva bez obzira na to što u izjavi o članovima zajedničkog domaćinstva/kućanstva nisu navedeni, te je student dužan dostaviti dokaze o njihovim prihodima.
- (3) U ovaj kriterij ne ubrajaju se davanja na ime socijalne pomoći, dječji doplatak/dodatak, alimentacija, naknada za porodilje/rodilje i ortopedski dodatak.

Član/Članak 11. (Bodovi na osnovu/temelju ekonomske situacije – prihod)

Na osnovu/temelju ekonomske situacije i ostvarenih prihoda po članu domaćinstva/kućanstva, utvrđuje se broj bodova kako slijedi:

- | | |
|--|-----------|
| a) prihod do 200,00 KM po članu domaćinstva/kućanstva | 60 bodova |
| b) prihod od 201,00 KM do 250,00 KM po članu domaćinstva/kućanstva | 55 bodova |
| c) prihod od 251,00 KM do 300,00 KM po članu domaćinstva/kućanstva | 50 bodova |
| d) prihod od 301,00 KM do 350,00 KM po članu domaćinstva/kućanstva | 45 bodova |
| e) prihod od 351,00 KM do 400,00 KM po članu domaćinstva/kućanstva | 40 bodova |

f) prihod od 401,00 KM do 450,00 KM po članu domaćinstva/kućanstva	35 bodova
g) prihod od 451,00 KM do 500,00 KM po članu domaćinstva/kućanstva	30 bodova
h) prihod od 501,00 KM do 550,00 KM po članu domaćinstva/kućanstva	25 bodova
i) prihod od 551,00 KM do 600,00 KM po članu domaćinstva/kućanstva	20 bodova
j) prihod od 601,00 KM do 650,00 KM po članu domaćinstva/kućanstva	15 bodova
k) prihod od 651,00 KM do 700,00 KM po članu domaćinstva/kućanstva	10 bodova
l) prihod od 701,00 KM do 750,00 KM po članu domaćinstva/kućanstva	5 bodova
m) prihod od 751,00 KM do 800,00 KM po članu domaćinstva/kućanstva	1 bod
n) prihod iznad 800,00 KM po članu domaćinstva/kućanstva	0 bodova.

Član/Članak 12.

(Prednost pri dodjeli stipendija)

- (1) Ako dva studenta ili više studenata imaju jednak broj bodova za dodjelu stipendije, prednost pri izboru ima onaj student kod kojeg je utvrđen manji prihod po članu domaćinstva/kućanstva.
- (2) Ako dva studenta ili više studenata imaju jednak broj bodova i jednak prihod po članu domaćinstva/kućanstva, prednost pri izboru za dodjelu stipendije ima onaj student koji ima veći broj bodova na osnovu/temelju godine redovnog/redovitog studija.

Član/Članak 13.

(Pravo na dodjelu stipendije bez bodovanja)

- (1) Student I godine studija - učenik generacije u završnom razredu srednje škole

Student učenik generacije, kao kriterij podrazumijeva, studenta I godine studija, koji je u završnom razredu srednje škole proglašen učenikom generacije. Student učenik generacije pravo na dodjelu stipendije ostvaruje bez bodovanja. Student koji je jednom ostvario stipendiju po ovom kriteriju, ne može upisivanjem drugog fakulteta, ponovo ostvariti stipendiju kao učenik generacije.

- (2) Student - sportista/sportaš

Student sportista/sportaš, kao kriterij podrazumijeva, studenta koji dobiva stipendiju na prijedlog Sportskog/Športskog saveza općine Busovača. Navedeni student ostvaruje pravo na dodjelu stipendije bez bodovanja. Student koji je u tekućoj studijskoj godini na istom ili drugom fakultetu ponovo upisao istu godinu studija i student koji prima drugu stipendiju iz sredstava javnih budžeta/proračuna institucija Federacije BiH (Federacija, Kanton, Općina), ne može ostvariti pravo na dodjelu stipendije kao student-sportista/sportaš.

Član/Članak 14

(Dokumentacija koja se dostavlja uz prijavu na konkurs/natječaj)

- (1) Podnosilac prijave za dodjelu stipendije (student) koji ne spada u kategorije utvrđene članom/člankom 13. ovog Pravilnika, dostavlja sljedeću dokumentaciju:
 - a) popunjen i potpisan prijavni obrazac,
 - b) potvrda/uvjerenje o prebivalištu, ne starija od 60 dana, original ili ovjerena fotokopija/preslika,

- c) potvrdu o redovnom/redovitom studiju na kojoj je navedeno da je prvi put upisana godina studija, te program studija (integrirani, 3+2, 4+1) - koja nije starija od 60 dana, original ili ovjerena fotokopija/preslika,
- d) izjava studenta da ne prima stipendiju drugog davaoca/davatelja, koja nije starija od 30 dana original ili ovjerena fotokopija/preslika,
- e) izjava o zajedničkom domaćinstvu/kućanstvu, koja nije starija od 30 dana, original ili ovjerena fotokopija/preslika,
- f) potvrda banke o otvorenom tekućem računu, s brojem tekućeg računa (kopija/preslika),
- g) za člana domaćinstva/kućanstva predškolskog uzrasta prilaže; izvod/izvadak iz matične knjige rođenih, original ili ovjerena fotokopija/preslika,
- h) za člana domaćinstva/kućanstva koji je učenik ili student, prilaže; potvrdu/uvjerenje o upisu u tekuću školsku odnosno akademsku godinu, ne starije od 30 dana, original ili ovjerena fotokopija/preslika,
- i) za svakog nezaposlenog člana domaćinstva/kućanstva prilaže:
 - za člana domaćinstva/kućanstva koji je na evidenciji nezaposlenih lica, a stariji je od 15 godina prilaže potvrdu/uvjerenje mjerodavne Službe za zapošljavanje da se nalazi na evidenciji nezaposlenih lica, koja nije starija od 30 dana, original ili ovjerena fotokopija/preslika,
 - za člana domaćinstva/kućanstva koji je nezaposlen, a kao nezaposleno lice nije prijavljen Službi za zapošljavanje, prilaže potvrdu/uvjerenje Federalnog zavoda za penziono/mirovinsko i invalidsko osiguranje da se član domaćinstva/kućanstva ne nalazi u matičnoj evidenciji aktivnih osiguranika i da ne ostvaruje pravo na penziju/mirovinu ili uvjerenje mjerodavne Porezne uprave da član domaćinstva/kućanstva u posljednja tri mjeseca nije ostvario prihode odnosno dohodak na osnovu/temelju radnog odnosa. Ukoliko se dostavlja samo uvjerenje iz mjerodavne Porezne uprave isto nije dovoljno, obavezno je dostaviti i potvrdu iz Federalnog zavoda za penziono/mirovinsko i invalidsko osiguranje kojom se potvrđuje nepostojanje prava na penziju/mirovinu, ne starije od 30 dana, original ili ovjerena fotokopija/preslika,
- j) za svakog zaposlenog člana domaćinstva/kućanstva prilaže:
 - potvrda/uvjerenje mjerodavne Porezne uprave o ostvarenom dohotku za januar/siječanj 2026. godine, a za inostrane /inozemne plate/plaće potvrda ili uvjerenje poslodavca o visini neto plate/plaće za naprijed navedeni period, original ili ovjerena fotokopija/preslika,
 - za vlasnike privatnih radnji i vlasnike preduzeća/poduzeća uvjerenje iz Porezne uprave o ostvarenom dohotku za 2025. godinu, original ili fotokopija/preslika,
- k) za svakog člana domaćinstva/kućanstva koji ostvaruje pravo na penziju/mirovinu, prilaže:
 - ček Federalnog zavoda za penziono/mirovinsko i invalidsko osiguranje o visini penzije/mirovine (porodična/obiteljska penzija/mirovina, starosna penzija/mirovina, invalidska penzija/mirovina) ne stariji od 60 dana, original ili fotokopija/preslika i
- l) za svakog člana domaćinstva/kućanstva koji ostvaruje pravo na inostranu/inozemnu penziju/mirovinu, prilaže:
 - dokaz o visini inostrane/inozemne penzije/mirovine, ne stariji od 60 dana, original ili fotokopija/preslika.

Član/Članak 15.

(Dokumentacija koju dostavlja student I godine studija - učenik generacije u završnom razredu srednje škole i student - sportista/sportaš)

- a) Student - učenik generacije, koji je u završnom razredu srednje škole proglašen učenikom generacije dužan je priložiti sljedeću dokumentaciju:
 - popunjen i potpisan prijavni obrazac,

- potvrdu o redovnom/redovitom studiju na kojoj je navedeno da je prvi put upisana I. godina studija - ne starija od 60 dana, original ili ovjerena fotokopija/preslika,
 - dokaz da je student proglašen učenikom generacije, original ili ovjerena fotokopija/preslika,
 - potvrda/uvjerenje o prebivalištu, ne starija od 60 dana, original ili ovjerena fotokopija/preslika i
 - potvrda banke o otvorenom tekućem računu, s brojem tekućeg računa (kopija/preslika).
- b) Student - sportista/sportaš uz prijedlog Sportskog/Športskog saveza dužan je priložiti sljedeću dokumentaciju:
- popunjen i potpisan prijavni obrazac,
 - potvrdu o redovnom/redovitom studiju na kojoj je navedeno da je prvi put upisana godina studija - ne starija od 60 dana, original ili ovjerena fotokopija/preslika,
 - izjava studenta da ne prima stipendiju drugog davaoca/davatelja, original ili ovjerena fotokopija/preslika, koja nije starija od 30 dana original ili ovjerena fotokopija/preslika,
 - potvrda/uvjerenje o prebivalištu, ne starija od 60 dana, original ili ovjerena fotokopija/preslika i
 - potvrda banke o otvorenom tekućem računu, s brojem tekućeg računa (kopija/preslika).

Član/Članak 16. (Prijava na konkurs/natječaj)

- (1) Prijava na konkurs/natječaj, s popunjenim i potpisanim prijavnim obrascem i potrebnom dokumentacijom, podnosi se neposredno na protokol Općine ili se dostavlja putem pošte na adresu: Općina Busovača, Komisija/Povjerenstvo za provođenje konkursa/natječaja za dodjelu stipendija, ul. 16 august/kolovoz bb, 72 260 Busovača.
- (2) Zaprimljena dokumentacija iz stava/stavka (1) ovog člana/članka namijenjena je za potrebe Općine Busovača i ne vraća se podnosiocu/podnositelju prijave za dodjelu stipendije.
- (3) Prijava na konkurs/natječaj za dodjelu stipendije sastavni je dio ovog Pravilnika.

Član/Članak 17. (Komisija/Povjerenstvo za dodjelu stipendije)

Općinski načelnik osniva komisiju/povjerenstvo za dodjelu stipendija.

Član/Članak 18. (Nadležnost Komisije/Povjerenstva)

Zadaca komisije/povjerenstva za dodjelu stipendije;

- a) Razmotriti prijave i priloženu dokumentaciju;
- b) Sastaviti listu studenata za dodjelu stipendije u skladu/sukladno s propisanim kriterijima;
- c) Sastaviti listu neblagovremenih, nepotpunih i odbijenih prijava za dodjelu stipendije;
- d) Sastaviti zapisnik o svome radu.

Član/Članak 19. (Objava liste)

Lista studenata za dodjelu stipendije i lista neblagovremenih, nepotpunih i odbijenih prijava za dodjelu stipendije objavljuje se na oglasnoj ploči i na web stranici Općine Busovača.

Član/Članak 20.
(Postupak po prigovoru)

- (1) Student ima pravo prigovora na listu studenata za dodjelu stipendije u roku od osam dana od dana objave liste na oglasnoj ploči Općine Busovača.
- (2) Student ima pravo prigovora na listu neblagovremenih, nepotpunih i odbijenih prijava u roku od osam dana od dana objave liste na oglasnoj ploči Općine Busovača.
- (3) Prigovor na listu iz stava/stavka (1) i (2) ovog člana/članka podnosi se poštom ili neposredno na protokol Općine Busovača.
- (4) Prigovor na listu iz stava/stavka (1) i (2) ovog člana/članka razmatra i o istom odlučuje Općinski načelnik.

Član/Članak 21.
(Utvrdjivanje konačne liste studenata
za dodjelu stipendije)

- (1) U slučaju da se uvaži prigovor studenta, Općinski načelnik će prigovor studenta, s predmetom, dostaviti komisiji/povjerenstvu za dodjelu stipendija koja će sastaviti prijedlog konačne liste studenata za dodjelu stipendija.
- (2) Konačnu listu studenata za dodjelu stipendije donosi Općinski načelnik.

Član/Članak 22.
(Potpisivanje Ugovora o ostvarivanju prava na stipendiju)

Po završetku postupka po prigovoru, Općinski načelnik, sa studentima koji su ostvarili pravo na stipendiju, potpisuje Ugovor.

Član/Članak 23.
(Broj dodijeljenih stipendija)

- (1) Odlukom o pokretanju postupka za dodjelu stipendija utvrđeno je da će se u akademskoj 2025./26. godini dodijeliti ukupno 72 stipendije.
- (2) Od ukupnog broja stipendija, dvije stipendije se dodjeljuju na prijedlog Sportskog/Športskog saveza općine Busovača.

Član/Članak 24.
(Iznos dodijeljenih stipendija)

Stipendija se isplaćuje za deset mjeseci i iznosi 180,00 KM mjesečno, odnosno 1800,00 KM godišnje.

Član/Članak 25.
(Upotreba ličnih/osobnih podataka)

U postupku provođenja konkursa/natječaja za dodjelu stipendija Općina Busovača kao kontrolor u smislu odredbi Zakona o zaštiti ličnih/osobnih podataka ("Službeni glasnik Bosne i Hercegovine", br. 12/2025), obrađuje lične/osobne podatke neophodne za utvrđivanje identiteta podnosioca zahtjeva za dodjelu stipendija, uključujući jedinstveni matični broj.

Član/Članak 26.
(Troškovi postupka)

- (1) Troškove postupka u vezi s provođenjem/provedbom konkursa/natječaja za dodjelu stipendije snosi Općina Busovača.
- (2) U postupku provođenja/provedbe konkursa/natječaja za dodjelu stipendije ne plaća se taksa/pristojba.

Član/Članak 27.
(Isplata stipendije)

Stipendija se isplaćuje na tekući račun podnosioca prijave (studenta).

Član/Članak 28.
(Prestanak primjene)

Ovim Pravilnikom prestaje primjena Pravilnika o stipendiranju studenata u akademskoj 2024./25. godini, broj 06-34-2-1422-2/25 od dana 25.02.2025. godine.

Član/Članak 29.
(Stupanje na snagu)

Ovaj Pravilnik stupa na snagu danom donošenja.

Broj: 06-34-2-1706-2/26
Busovača, 18.03.2026. godine



OPĆINSKI NAČELNIK

Asim Mekić, dipl.ing.